



831353

遺 笈

稿 隱

會

松陰謙書

嗟乎凡物之存亡於天地間信乎莫不有數哉仲弟少
喜讀唐人詩舉業之暇手披口吟寒暑弗輟累千餘年
輯花隱盒唐詩選若干卷精鈔定本裝蹠成篋携以自
隨時時展玩余於詩粗涉藩籬每以弟爲先導憶自道
咸間先後歸田時家藏圖書猶數萬卷方將陋機雲佐
解之栖傲坡穎對床之願以優遊乎鄉里無何弟病歿
不兩年猝遇寇亂流離三載始返故廬則楹書蕩然十
不存一二姪輩檢點遺書唐詩一篋幸尙無恙而弟平
日所爲詩散佚無存幾成廣陵散矣每一念及感慨係
之姪孫志萬嘗求之故交中乞鈔乃祖之詩蓄之有年
寥寥不能成帙雖不足以見弟詩學之所在而吉光片
羽子孫自當寶之余因憶從前倡酬之什或記其事而
不能舉其體或記其體而不能誦其辭俯仰之間以爲
陳迹僅藉此寥寥者以存吾弟之詩之梗概不重可悲
乎爰書此付之俾永守焉

光緒癸未九月西圃老人遵祁序

花隱齋遺稿

吳縣潘希甫補之

和功甫兄巴河道中寄懷之作

圖經新授陶宏景契語曾參魏伯陽黃海雲深雙屨暝
洞庭月上一襟涼驚人有句青天近到處題名白日忙
更約秋窗同翦燭從君親乞紫芝方

毛叔美紅豆書樓圖

翰墨神仙共一樓清才艷福幾生修玉臺春暖花雙笑
鎮日蘭閨互唱酬

輕紅嫩綠壓羣芳並蒂花開春晝長題罷新詩還讀畫

茶烟風裏一簾香

悼女聰珠

女生四歲慧而閒靜善博余歡見余理筆墨輒
坐案側把弄隨口識之無字己亥八月二十日
以時疾驟殤明知修短有數而悲從中來有不
能已於言者作詩悼之

殯面桃花似舊妍謝公最小女偏憐藥鑪送汝纔三日

繡襦啼爺恰四年臨去證成無垢相女性好潔臨歿之時一手作接引佛

結緣難問有生前矮床向壁塵封滿不見鸚鵡傍母

眠

風動寒花影自搖露芽一寸易冰消歸程應有親兄等
幼子敬寬於前年殤後願空思快婿招銀燭成煙如短夢玉階拜
月是前宵向人說汝聰明慣贏得今朝淚似潮

悼亡詩

一聲冰脆墮瑤鈿珠箔無痕冷藥煙梅影半床紅燭艷

莫提往事十三年查孺人於丁亥歲十月來歸

香雲無際送歸驂湖水茫茫塔影涵應博重闌開口笑

羹湯洗手有人諳孺人于歸後府君喜得佳婦大父時年九十鍾愛尤甚今先塋在石湖側

珠樣根芽謫玉京金鑾生小最聰明思量三十年如夢

孺人嬰疾後自知不起臨終謂余曰我祿已盡悲亦無益三十年如一夢耳贏得高堂哭失

二

聲辛未歲外舅官京師孺人生于邸第今外舅告歸寓吳門外姑居禾中高年悲悼聞者無不墮淚

雙影亭亭一鏡空三年吹盡落花風片帆歸櫂當湖路

可許逢君夜月中孺人姊歸平湖吳氏前年歿于京師

雪羽襍襪小鶴哀紅萱香早葉全摧黃泉亦有嬌兒女

應解牽衣傍母來三子敬寬六歲殤女聰珠四歲殤

刺墨零縑字字妍清談霏屑舌生蓮若從閨閣論風雅

半是才人半是仙孺人雖不工詩而性喜文墨厭棄俗座寬厚有過人之度談吐尤極蘊藉

余每坐花隱庵校讐書畫必相助爲理長夏無事日臨帖半葉也

靈風吹冷五銖衣敲竹聲寒翠佩非篋裏百花香氣散

留仙裊作紙錢飛

冷雨疏烟淡夕暉
塔鄉重到淚重揮
鴛鴦湖上千絲柳

不見當年畫舫歸
余有鴛湖畫舫圖

京華兩度促征車
手擘鸞箋數寄書
一第報君猶未畢

看花慚愧半生虛

單床長簟素塵彌
攬鏡年華鬢有絲
我欲燈前焚舊稿

更無人解讀新詞
余有醉太平八闕鴛人能誦之

辛丑臘月內子窳窳畢事感賦四律

丹旌素蓋欲行遲
正是寒風獵獵時
回首易增華屋感

斷腸難訴夜臺知
湖波九曲尋途便
先人墓在石湖東九曲港橋影

雙重入畫宜
新阡在雙橋之北親與碑陰題
姓字路人爭誦色

三

絲詞

上方塔影倚斜曛
環珮聲寒半入雲
畫舫圖拋妝鏡冷

鍼箱詩當紙錢焚
落花飄泊纔歸土
芳草芊眠尚似裊

最小雙雛憐惜慣
石楠陰裏一坏分
謂敬寬聰珠

薜荔宮深闕瓦簷
徘徊東阜去還留
難尋夜帳離鸞夢

誰與春郊挽鹿游
十萬錢虛身後願
三千丈起鬢邊愁

而今例灑清明淚
恰似橫塘水亂流

靈觴奠罷百愁生
落葉聲中歲已更
白首同歸終有日

青山不語太無情
送君此度眞長訣
憐我天涯又獨行

來歲余有五畝墓田三畝宅烟蓑雨笠負春耕

自題落葉感秋圖

繞床候蟲絡絲夕冷月一丸墮衣白疏籬半黃燈半碧
十年栽遍同根枝十年吟罷雙聲詩枕中春夢能幾時
昨日西風下檐際槭槭蕭蕭滿幽砌碎點斜飛暝陰細
孤懷中酒兀不醒素琴紈扇俱飄零叢環絮珮雲中鞞
呼童縛帚起自埽愁如荒烟亂秋草哀蟬苦語五更曉
高梧策策繁林空西樓西畔東堂東背壁晚花開不紅
支譜告成詩以誌喜

龍鱗老去鬱清蒼羅列孫枝今幾行綴筆廿年疑待補

尋源九派澤彌長口碑未泯追黃積晉黃積爲新安太守化行俗易築篁

四

墩子孫家焉故又名黃墩手序猶存繼紫陽朱子輯婺源世譜自爲序曾大父亦手著譜序

卷中條例悉踵行之述德要知由種德莫言報 國但文章

蘆花和外舅查齋侍御元稱原韻四首

梢梢葉葉但平鋪半掩鱸鄉客夢孤薄暝遙天低欲接
荒溪涼月淡疑無誰吟秋水相思句宜寫寒江獨釣圖
添得商聲催落木片帆指點洞庭湖

移將蝦菜范蠡船蓼溼蓮洲擁絮眠秋色平蕪迷故壘

夕陽古渡冷吟鞭花飛別浦烟橫岸影弄清流雪滿川

一片菰蒲蒼莽外塞鴻銜去又年年

霜華露氣白紛紛極目銀塘影不分草色幾經延野火

蘋香無際浸溪雲誰將寶劍酬漁父莫又離筵感使君
昨夜西風潮起未數聲短笛弄斜曛

短短春芽景已非蕭疎拂遍釣漁磯生涯流水隨蓬轉
幻影東風逐絮飛舊約莼鱸應不負忘機鷗鷺任相依
江干被冷思高隱同伴騷人製芟衣

題陸謹庭外祖遺照

海內雲林閣圖中玉局仙夙耽文字癖不受利名牽高
會松齋渺遺編笠澤傳孫行憐我幼撰杖記當年

題陸菊坡母舅遺照

孝友傳家法詒謀賴肯堂公所居宅曰孝友堂披圖瞻道貌遺墨

五

發幽光

公之歿也先君子爲作傳

華屋餘哀在旌閭獨行彰楹書留

萬卷譜系頌蕃昌

雅安表兄近修家譜

和芝軒從父歲朝賞菊詩

籬角霜叢剪未殘秋容雖澹耐春寒好留丹實傾陽久

菊花經冬置向日處結實可種

漫說金英帶露餐欹枕香猶吹帽憶卷

簾影待試燈看伴他繞屋梅花早笑口年年醉玉盤

爲家卓如題南屏晚翠圖

澹妝濃抹好湖山短笠疏筇數往還讀書晴窗懷吏隱

圖爲陳菊人丈所作文官于浙數年

尋詩小院愛僧閒

六舟上人卓錫淨慈寺

偶來

十丈輒紅裡夢憶千尋空翠閒聽把餘杭形勝說近游

我已愧緣慳

題汪小珊同年送行圖

寒碧莊前別酒斟桃潭千丈感情深癸卯初夏余將北
上君昆仲餞于劉

氏寒碧
山莊同縈京國三年夢又賦河梁五字吟君動浮雲

游子念我懷聽雨故園心伯兄客
秋假旋幾番蹤跡如秋燕羸

得臨岐淚一襟即題入都時所
作語別圖卷

題汪小珊同年六橋煙雨圖戴醇士侍郎所作

淡妝濃抹總隨時占盡光陰是柳絲用何子貞
同年句添寫段

橋秋萬樹夢痕可似蔓庵詞小浮兄有西
湖秋柳詞卷

渲染湖光上御屏玉泉歸去臥西冷錢塘戴文進自號
玉泉山人宣德時

六

曾進秋江
獨釣圖掉頭真把朝衫脫自寫家山一幘青侍郎歸
田後不

輕為人作畫卷中題
句讀之益佩高致

三竺雙隄到處幽六橋咫尺阻清游年年艤棹南湖路

樓閣空濛畫得不死央湖余婿鄉也每至必流連登眺
而蘇隄咫尺未得一游夢想係之

題玉泉弟詞稿四首

柳膩蘇豪總性靈新聲只合對床聽風騷隻眼何人具

我向西湖憶石屏戴醇士侍郎評弟
詞自謂獨具隻眼

三影風流早擅名一編同調寄深情而今鞞鼓江山裏

苦憶銅琶別後聲張仲遠同年探玉淦詞卅章入同聲
集梓行于世仲遠今官楚北音書阻

絕故
及之

青棠花發記徵歌月瘦風肥近若何

余在京師曾爲弟題青棠花室填詞

圖月瘦風肥集中句也

莫向秋來增百感詠秋詞侶已無多

弟曾約同

人爲百秋詞

賭韻旗亭綺夢遙綠波如畫送歸橈尊前一夜瀟瀟雨

合倩吳娘按玉簫

桃花和何子貞同年

紹基韻七首

一湖新水浸紅霞梅杏纔過景物嘉閒挂烏篷天上坐

春來徧地是桃花

沿隄短短長蘆芽軟笠輕蓑細槳划行過溪橋紅照眼

一雙水鳥啄桃花

七

山村水郭寄生涯籬落彎環港幾叉儂愛種桑郎愛藕

雛鬟十五種桃花

高樓多被綠楊遮人面相逢記那家雙袖卻嫌紅易褪

春衫愛畫墨桃花

濃春萬樹郭西斜詞客清狂此住家賸有夕陽紅半隴

橋名猶自喚桃花

江南三月艷情誇紅雨漫天水一涯可惜征人留不住

卻從馬後看桃花

石湖仙筆最風華樵路雲迷句共誇寫滿蜀牋三百幅

愛他顏色似桃花

消寒第一集伯兄韻

記酌蒲筵益壽卮

五月中為月初度

圍鑪又及早寒時生成

野鶴清臞態長保貞松勁挺姿開徑喜逢高士至

謂張猗蘭

閉門要與古人期新詩字字皆天籟脆竹清歌一例辭

脫卻朝衫禮數寬未哀已覺宦情闌讀書如我真迂濶

獻策何人佐治安五鳳樓新應籲俊

觀保姪將入中書省

隻雞社

小且追歡頽然醉臥南窗下冷看浮雲有萬端

疊前韻

重倒芳辰白玉卮批風抹月半酣時門前題鳥應無字

畫裏橫枝別有姿種菜光陰思雪澤看花次第盼春期

八

坐中若箇談鐘鼎自揣頭顱我要辭

可覺量松舊帶寬擁衾寒夢話更闌

兄病體初健

在山泉好

清無比上水船難退便安婚宦已成輕去住闌忙何定

雜悲歡請看蟄室留丹訣靜埽根塵視鼻端

先大父顏所居曰蟄室

仲冬二十日消寒第二集再疊前韻次章兼贈胡

芭香

駁聲

茶熟香温酒滿卮閉門戀此對床時石如人抱嶽寄骨

花到冬開冷淡姿蔬筍一畦誇俊味菰蘆千頃憶歸期

年來貪看西山翠筇屐相隨總不辭

新築茅堂歲月寬，素交落落比星闌。
客窗賣畫君垂老，曉枕哦詩我未安。
巖石每逢佳士寫，壺觴須盡故人歡。
明朝擬訪鯢溪棹，寄取烟波付筆端。
翌日余有鷺湖之行

三疊前韻奉酬張護航同年

元培

見贈之作

卅年話舊數傾卮，記共峰登朗玉時。

君與余兄弟同入泮

笑我散

樗儕棄物輸君速，藻鬥新姿經師席。
廣叨親炙循吏書，成展夙期只恐別懷銷不得。
江干春樹燕將辭。

婁塘淼淼碧波寬，來往輕舟興未闌。
常愛聽松書榻便，偶因餐菊藥爐安。
六街饋歲飛騰景，四座沾春笑語歡。
抖擻錦囊重賭韻，肯將餘慧拾牙端。

九

贈尤璞如

鑑

四疊前韻

替被清愁仗酒卮，玉山好是未頽時。
身閒合抱迂倪癖，骨冷生成瘦島姿。
海外飛鴻留爪印，天邊孤鶴想襟期。
應門只有童三尺，深巷迢迢剝啄辭。

水深魚樂小池寬，爲愛生機獨倚闌。
俗未肯諧甯耐辱，貧原無礙要能安。
孤松雪壓高人影，慈竹春濃盡室歡。
清況其傳循吏後，遺書還是滿楹端。

嘉平四日同星齋兄作五疊前韻次章兼懷絨庭

兄京師

坡公生日醉千卮，記取城西結社時。
喬木幾家存故物，

疏花一樹減清姿

道光中先君子與同里諸老輩結問梅詩社于城西積善庵每歲東坡生日賦詩獻壽庵有老梅一株爲宋時物今已半枯矣

高文館閣傾同輩小集江湖

訂後期聞道九重虛席待春帆終與白鷗辭

池塘春好兩年寬風雪懷人忽歲闌湖上笙歌都寂寞

天涯錦字祝平安重牽畫省同官夢早遂仙郎養志歡

謂伯寅姪定有紀行詩寄我隨風珠玉落筵端

贈玉泉弟六疊前韻

三春袞屐九秋卮行樂家園要及時羣從一門多雅集

君才八斗是天姿但逢潭水情何限謂汪味根昆仲每到池塘

夢與期倒著接羅狂起舞入雲高唱請休辭

十

鱷魚久狎網羅寬慷慨橫戈午夜闌誓把萑苻巢盡掃

笑看桑梓席眞安謂去年八月剿辦潮匪事頻年羽箭籌楫急連夕

鏡歌唱凱歡四野漸開春氣象新綸應拜紫宸端

和伯兄鄧尉探梅作七疊前韻

已有香風到玉卮討春休待早春時林深偏得蕭疏趣

山遠能摹蘊藉姿忙裏定巢三匝後閒中種樹十年期

近來野性同麋鹿嚼雪餐烟冷不辭

曲港彎環小艇寬費家河昨日將闌花因繞屋難輕別

書到藏山亦較安古寺倘尋題壁句小樓重憶對床歡

祝君腰腳逢春健再上琴臺百仞端兄有琴臺攬勝圖

八疊前韻荅徐稚農 經翁

藥裏纔拋倦引卮 時君以嗽疾屏酒 清談每喜剪燈時終教丹

桂償初願敢詡青桐抱穎姿 兩孫從君授經 故物簪纓珍手澤

新交鉛槧證心期松楸佳氣常相望西嶼同舟定不辭

君七世祖大司寇健庵先生墓在青芝山下與余五世祖墓相距甚近

記訪蕭齋十笏寬水風涼處正秋闌阿瑛堂古家原近

仲舉門閑榻早安殘墨半牆酬雅唱芳羹一箸佐清歡

寫生況與黃筌並乞取春光到指端

人日消寒九疊前韻

春燈紅照草堂卮景物暄妍又一時繞屋松篁承舊蔭

十一

渡江梅柳弄新姿山林自笑甘飢卧筋力無端與老期

只有丹鉛忘不了耕殘寸硯肯拋辭

詩腸歷落酒腸寬數到親知話未闌杞菊高蹤尋甫里

陸雅安表兄 水雲離思照臨安 汪杏春姊丈 浮萍聚散中年感爆

竹喧蘭稚子歡更喜深閨嬌女伴巧裁綵燕綴鬢端

分詠三松堂雜植十疊前韻

話雨宜傾綠玉卮蓬壺分種記秋時低圍斗室濃無縫

涼上楸枰瘦有姿同輩圓通堪目笑此君侷異訂心期

吳越山中有方竹最為侷異見妮古錄 雪池新試朝研墨四面題詩我不

辭方竹

風苗雨葉幾圍寬，倒薤披莎護曲闌。魯望集中遺賦在，
康成庭下托根安。採芸仙館知同氣，紉蕙靈皋好結歡。
一道裊腰濃綠外，讓他縈拂鄴籤端。

書帶草

消寒第八集贈汪味根小珊同年十一疊前韻

久被人嘲無當厄，君才何亦未逢時。傳家自有鼎彝澤，
報國空懷梁棟姿。畫本激江留宦跡，詩篇水部寫襟
期。焚香自訂金蘭簿，喜托芳蓀不我辭。

一樹娑羅丈室寬，佛香深處記凭闌。露濃桃暖仙潭靜，

月朗松疏怪石安。

娑羅花館一松一石之
庭皆君昆仲讀書處

早負盛名花

萼，集近聯情話，蔦蘿歡華燈四角窗，三面坐到新蟾照。

屋端

三

消寒第九集十二疊前韻

更向花前盡此卮，消寒已過看燈時。緣階宿草都生意，
戀岫春雲有靜姿。客喜清談添飲興，僧來問訊訂游期。
思量畢竟官卑好，容易黃塵十丈辭。

萬卷羅胸眼界寬，漫嘲壯志與時闌。承平著作追貞觀，
綺麗文章薄建安。瑣闥八年窺史筆，芳筵九度結朋歡。
論詩誰許升堂室，要請張爲敘簡端。

謂護航
同年

蔣魯南西窗話雨圖

山抹微雲選句新，夜闌話雨最情親。披圖記得挑燈地，

紅萼無言又幾春

君甥館中有梅窩

輓陸冰篁舅氏

經生世已虧儒林重耆宿渭陽溯遺教雲間推望族昔

過松下齋松下清齋外祖謹庭公讀書處牙籤三萬軸淵淵金石聲

至今出塵籠謝家羣從賢觀書盡卓犖對床擁百城寢

饋老逾篤摛藻薄卿雲念典尊鄭伏子敬琴先亡老淚

痛盈握謂仲舅果泉公靈光又頽然浮景百旬促堆案有陳編

再拜受而讀巾箱手寫本戢戢過笱束遠判豕魚譌修

綆出深谷舅氏校讐六籍宗惠定字先生旁搜蟲鳥書怪石產奇璞有印

存二卷稽古有殊榮青雲宜一蹴何乃終草廬不以貢

三

天祿秋賦感春夢長檠棄矮屋九赴秋闈後起正英英沖懷

彌粥粥閒身等桑苧叢書賦杞菊餘事三折肱精神驅

草木素通岐黃育素以養和守道斯蒙福我慚阿賢士虛譽

說珠玉清德頌清門積善在詒穀桐階又生孫嶄然見

頭角舅氏親見七代勉哉世澤承窗芸散餘韻

輓陸侍梅表嫂王孺人

天留斯疾困人間浪說金丹有九還瓊佩風搖塵夢醒

鏡匣月照淚痕潛樺香滿路歸應好藥餌經年命太慳

記得外家嬉戲日絳紗曾拜舊時顏

香消陳篋嫁衣寒素質從來厭綺紉姓氏閨中彤管貴

丰栽林下粉圖看
離弦五載悲黃鵠
寵諾雙丁竚紫

鸞更喜英英頭角異
孫枝應比種琅玕

題顧默庵

震濤

吳門表隱

好古研摩世絕倫
平生嘯傲自由身
採風他日傳新詠
表隱琳瑯字字春



十四

孫男志萬百拜謹校

詩餘

吳縣潘希甫補之

虞美人

燕南道中寄內

馬頭鈴語衝寒瘦襟上痕翻酒窺簾斜月夢西窗親見
玉人無語背銀缸 一緘錦字相思句要寫無頭緒記
曾花底送行時分付天涯春去莫題詩

蝶戀花

又是天涯春去後和夢和愁情緒濃於酒如水嫩寒簾
底逗更誰替把鴛衾覆 滴盡銅壺窗曙否推枕徘徊
起倚銀屏久別院玉簫聲似舊刺桐花外涼蟾瘦

解佩令

題毛叔美尚友齋雅集圖

西河名族西園芳躅一身兼清才濃福賭韻尋詩有壓
水三楹茅屋護書床幾叢花竹 酒香巾漉茶香泉熟寫
春山小窗橫幅紅豆詞新都付與粉奩脂盞畫樓簫畫
屏蘭燭

卜算子慢

題顧畹芳女史梅花便面

黃昏漸近翠羽又啼惹起暗香消息一夜東風吹度江

城小驛訴相思只在枝南北夢醒也參橫月落玉階尋
去無迹 綰袂曾相識認香雪團紅冷烟凝碧鶴睡朦
朧緝帳夜深不隔問春歸芳訊誰招得算只有橫斜竹
外伴逋仙吟魄

卜算子

題汪小珊同年鄉園秋思圖

冷了遠林蕪行盡空階葉知是誰家短短籬著個黃蝴
蝶 笛指暗吹香扇角斜窺靨添寫深簌月半廊篩影
羅裙摺

蘇幕遮

又

二

竹敲窗花墮几訴盡離情刪盡愁滋味如水闌干閒共
倚卻話家山綠到屏風底 餞春天消夏地略記年時
一寸纏綿意泥爪零星圖畫裏欲寫相思酒醒燈殘矣
減字木蘭花

又

女牆西畔柳葉疏疏秋一段冷月荒烟殘夢無多墮那
邊 亂鴉啼曙打疊愁心千萬縷檢點歸程背壁燈花
也瘦生

浪淘沙

又

扶醉綠楊隄烟景芳菲晚風香到酒人衣莫放尊前春
易去一片花飛 春去悵分携往事全非迴廊重覓舊
時題聞說海棠開過也伴了春歸

南歌子

又

蝶舞酣雙影鶯啼怨五更一池春水自干卿合付畫樓
雙髻細調笙 月底同修譜花間讓主盟爲春腸斷作
麼生我已年來顛倒懺閒情

鵲橋仙

又

旗亭新唱蘭陵舊唱芳思毫端收拾綠窗題徧衍波箋
記索笑玉梅花側 琴床香影簾衣纖影商略蜂腰鶴
膝天涯何似對床眠早憶取謝池春色

菩薩蠻

又

十年舊業千秋事墨池費盡圓筒紙塵海幾知音莫雲
春樹心 香温茶熟後付與紅蟬守春到讀書堂落花
隨水香

卜算子

又

苔徑葉聲乾竹院花陰閉烏帽紅衫菊滿頭殘照西風
裏 早雁一繩來替把鄉書寄爲問桐橋放鳴船載得
秋歸未

燕歸梁

又

三兩芭蕉一架花人影小窗紗屏山一半翠簾遮閒煞
了玉鴉叉 曲床攤飯輕甌調茗雪椀更浮瓜羅衣風
起夕陽斜還待夜月深些

采桑子

又

四

一蟬吟處高槐午綠補輕雲紅漏斜曛世事長安道上
塵 眼前幾輩紛紛子局外閒身黑白休論我是山頭
爛斧人

碧玉簫

又

岸幘尋花披襟漉酒思量身世疏狂久莫說封侯金印
懸如斗 倦旅無聊優游都負浮雲何事成蒼狗一笛
橫空長嘯天風吼

鳳銜盃

又

簷前紅雨太紛紛倚金釵無限消魂記得玳筵風緊碧
生鱗狂起舞每輸君 曾邀月又停雲檢春衫多少春
痕帘影前頭細雨杏花村知點點是征塵

河傳

又

惆悵難忘黯溟濛細雨簾櫳畫橋碧蕪嘶玉驄匆匆驛
亭春不濃 極目高樓飛絮亂楊柳岸十里新陰換趁
江潮雙畫橈路遙酒醒何處宵

五

鴛湖日記

道光戊子二月二日偕內子同至禾中時外舅在蘇內兄冲

泉人淵並舟同行順風揚帆舟行甚適已刻出葑門午

刻過尹山未初過吳江酉正過平望

初三日晴辰刻抵郡謁岳母并見內兄玉彭至園中少

憇殘梅數樹紅雪半庭徘徊花下頗愜吟興並晤朱君

柳邨奎芝軒叔督學浙江時所取士也午後拜汪曉堤

姑丈如瀾並晤其子午楣和海婿姚周臣秋農年過馮

葵園玉彭之內兄不面夜榻靜學齋之西室

初四日陰晴錯寒甚汪姑丈暨午楣周臣俱來馮遠帆

來遠帆葵園族兄曾任如皋令其尊人集梧曾官江西

藩司與大父稱文字交焉

初五日稍晴和桃潭招飲玉彭同往午楣周臣同坐歸

平湖吳耘石襟兄若準至

初六日耘石生朝祝之同玉彭耘石冲泉柳村放舟至

烟雨樓天意晴暝惟花事尙早游人甚稀敬觀

高廟御筆坐烟波畫船堤柳弄晴盈盈如十五嬌女碧

痕無際春水方生洵湖鄉勝景也惜殘廊斷檻日就頽

廢矣申刻歸

初七日陰與耘石柳村話雨竟日

初八日晴蜂蝶鬧春景物明媚至晚忽微雨入夜則檐溜成聲矣

初九日余先歸至桃潭辭行飯後解維風雨驟至泊吉慶汛

初十日風少止辰刻過平望申刻過吳江西刻過尹山二鼓抵葑門

十一日清晨抵家

十九日內子自禾中歸

己丑三月二十八日陰東風坐費姓舟出婁關轉葑門已正過尹山午正過吳江西初過平望

二

二十九日卯刻抵郡見岳母及玉彭並晤朱柳村沈寬齋敦裕至園中小坐綠陰如水風物清和午刻忽雷雨

雹少頃卽止飯後拜曉隄先生及午楣周臣申刻卽解維亥正過王家涇夜半過平望

四月一日卯刻至吳江辰刻過尹山午初到家

庚寅閏四月十七日同內子率兩兒登舟已刻出葑門午初過尹山未正過吳江亥正過平望明月照人澄波如鏡夜行尙遠

十八日清曉出王家涇辰刻抵禾不見岳母玉彭暨朱柳村沈寬齋及幼醒內姪鴻達亦係宮簷公後外舅家近

支也夜臥寶因軒

十九日陰涼冲泉來午後拜曉堤姑丈病未見晤其弟

三子頂泉

鼎權

姪種之

世種

并畚冲泉

二十日晴熱晚酌于快雨軒玉彭柳村寬齋幼醒同坐

論文頗暢

二十一日晴注種之來午後偕柳村幼醒泛舟游白漪菴門外有琳瑯福地四字菴在西門外向奉呂祖乩壇香火極盛今已荒落旁有隙地半弓疊石爲小山有亭可憩菴僧覺照煮茗待客少坐卽散遂同至岳王祠祠爲王二十三世孫諱鑑字冰菴公所建冰菴公幼孫純

三

孝家貧爲錢鋪業少負奇志以禾郡向無王祠賫志創造讀書舉庠生後家漸豐遂建此祠於嘉慶十七年落成門有朱書盡忠報國四大字莆田洪珠筆置祭田六百畝樂善好施不蓄己產卒年六十有九子二並能紹承先志祠中正殿三楹設王像旁爲家祠後數椽爲休息之所榜曰頤生冰菴公自題也前爲冰菴公孝子祠於道光三年題旌額曰紹忠啟孝主人不值老僕鄒姓出見年八十八矣步履矍鑠能說往事如冰菴公者非所謂有志竟成者乎徘徊久之肅然起敬晡刻歸舟二十二日桃潭招飲辭未赴

二十三日晴

二十四日晴熱晚起東南風

二十五日至桃潭辭行午初放櫂風雨交作申正過王家涇夜泊吉慶汎

二十六日晴曉過平望午正過吳江未正過尹山申正到家

七月十日內子率兩兒歸

壬辰二月二十七日坐費舟辰刻出葑門巳刻過尹山由龐山湖至吳江申刻至平望卽泊夜雨時內子先於正月二十七日歸省是年外舅在禾岳母暨玉彭在都

中

四

二十八日陰黎明解纜辰刻過王家涇午刻抵郡卽登岸謁外舅并營村叔岳知塞雲內弟往海甯應試矣夜榻內舍

二十九日晴往汪姑母處午楣不值姑丈已於去年歿於京師矣卽至神宮前一拜而歸歸後午楣來晚侍外舅酌于默齋齋中盆梅盛開

三十日晴暖步園中萬株香雪竹外橫斜嫩黃柳色搖曳晴波漸有東風消息矣晚復侍外舅小飲

三月一日晴東南風同內子率兩兒歸巳刻登舟午正

過王家涇申初至平望卽泊

初二日晴順風如昨卯刻啟行已刻過龐山湖尹山竇帶橋由葑門入婁門午正抵家

癸巳七月六日坐任姓載月槎是年外舅在蘇岳母及玉彭新從都中歸內子先於五月中歸省辰刻出婁門轉葑門已正過尹山午初過吳江行龐山湖得舟行七律一首又絕句一首逆風遲滯申刻纔扨八測雷雨陣卽散酉刻過平望夜泊王家涇舟中無事讀易閱趙甌北檐曝雜記枕上復得五言一首

七夕五鼓行辰刻登舸謁岳母并晤玉彭知渠卽欲往

五

蘇已買舟矣已刻動身卽託寄家書幼醒與余清話終

日晤汪臨芝先生楊篋軒西席汪名如藩浙江孝廉楊

名秉一海甯諸生亦芝軒叔督學時所取士也飯後往

弔汪姑母卽歸夜住 御書樓之東偏

初八日挈眷歸辰刻解纜未初過王家涇酉正至平望大雷電少泊風止卽行

初九日躁熱曉過吳江午刻入葑門未初到家

甲午二月二十九日偕內子率三兒至禾已刻放舟出

葑門午正過寶帶橋未正過尹山西刻至吳江風水皆

阻戍刻纔到八測卽泊雖東船西舫而有戒心往來無

夜行船歎歲光景可想也是日薄陰

三十日破曉南發天仍陰寒辰正過平望未初過王家
湮晚微雨蕭瑟抵郡已戌正矣登陸見岳母及王彭幼
醒夜宿 御書樓左偏

三月一日早起微霰清明後得此恐菜麥大傷矣寒亦
不減冬末與幼醒茗話并晤汪德芝楊箕軒兩西席
初二日陰晴不定有腳子便寄家書飯後至汪姑母處
一拜午榻適往蘇不值晤其弟頂泉并過孫璞齋璞齋
以 先大父山水一挂見示款係三十六歲時作上有
道光壬午重題數語下有郭匏雅先生題句畫筆渾厚

六

華滋重題數行乃晚年之筆楷書精絕墨采煥發璞齋
向得諸肆中者洵無上妙品也歸接二兄三十日書晚
酌於默齋玉彭幼醒暨朱選三同坐選三柳村之子名
銓 善丹青夜復有風雨聲

初三日陰清寒徹骨頂泉璞齋俱來客窗無事閱大瓢
山人日記從選三處乞其尊人硃卷

初四日積雨新晴園中景物大佳桃李盛花碧波朱檻
絕妙畫圖也午後與玉彭幼醒選三泛舟至陳氏園主
人以子種痘不納歸棹至烟雨樓游屐漸多垣宇頽敗
更甚舊游如昨向之烟波畫船已僅存其跡矣舟中得

泛鴛鴦湖南歌子一闋是日命奴子僱舟余定於初六日先歸也舟值十一洋青蚨五百文薄莫風急又雨連夜發家書

初五日嫩晴接二兄上巳日書與楊篔軒宵話于靜學齋

初六日陰東南風率介兒誠兒先歸已初登舟揚帆而行兩岸雲樹如飛午刻過長虹橋未正過平望申正過八測戌刻抵吳江泊東門外縣倉前終夜喧不成寐初七日風少止晴早發辰刻過尹山橋寶帶橋午初入城到家

七

三十日內子率敬兒歸

乙未三月六日內子率三兒歸省二十四日余命舟赴禾辰正出葑門已正過尹山午正過吳江申初過八測酉初抵平望風起卽泊沿途漕艘正開舳艫銜尾而至是日見龍舟

二十五日五更解纜天陰風逆辰刻過王家涇長虹橋午正抵郡謁岳母晤玉彭暨朱選三薄暮雨夕宿御書樓東禾中已於是日換戴涼帽

二十六日陰坐園中鼠姑風裏萬葩爭妍微雨澹雲眞養花天氣也晚晴與玉彭選三夕酌

二十七日晴暝晤汪楊兩西賓拜汪午楣飯後與玉彭選三泛舟游陳氏別業林木秀潤臺榭豐敞極園圃之勝主人善竹刻凡一几一榻及楹帖挂屏均手雕書畫適他出未晤余成詩三絕句歸棹至白衣菴晚發家書接三兄廿五日信

二十八日姓大風坐水竹居飼魚午楣來玉彭見示游陳園詩四律接二兄廿六日書

二十九日姓東南風挈眷歸已刻登舟午刻過王家涇躁熱急雨時作時止申初過平望酉初至八測泊入夜大雨

八

三十日曉行已初過吳江午正過尹山未初過寶帶橋申初到家是日陰

丙申正月八日坐贊舟辰刻出葑門天意晴潤已初過寶帶橋此橋當太湖之衝向時傾圮已久去歲當事鳩工修繕重緝營泮規制煥然深得保障之益非獨便往來行人也已正過尹山午刻由龐山湖過吳江未正過八測酉刻抵平望泊

初九日五更解維辰初過王家涇午初到禾岳母前賀歲晤玉彭朱選三春谷內兄玉彭適於昨夕自蘇返棹飯後拜汪午楣晤夕與選三春谷玉彭酌於默齋酒罷

卽辭別登舟乘月放棹夜半至王家涇泊

初十日曉發辰刻過平望大霧良久始晴朗已初過入
測午刻過龐山湖未初過尹山未正過寶帶橋申刻入
城到家

丁酉八月二十九日晴携眷赴禾已初解纜出葑門順
風挂席午正過寶帶橋未初過尹山橋申刻過龐山湖
酉刻抵八測泊

三十日晴風轉東北寅初解纜辰刻過平望未刻過長
虹橋舟行甚滯亥刻始抵郡登岸見外姑及春谷內兄
玉彭在蘇尙未歸也夜宿 御書樓東

九

九月朔晴熱晤汪德芝楊箕軒兩西席及蘭國內兄福
偕 朱選三

初二日小雨卽霽躁熱如昨拜錢曉庭聚朝俞雲幕端

戴子麟炳章三同年及新科拔萃沈燭門照朱欣甫榮

吳少村昌壽俱不值又過汪午楣適赴蘇矣其弟頂泉

亦他出未晤燈下復聞雨聲是日寄書二兄

初三日陰雨汪頂泉來

初四日沈燭門來與選三蘭國坐園中話雨

初五日陰朱欣甫來接順兄手札

初六日晴俞雲幕招飲辭之戴子麟來晚寄家書

初七日晴海甯朱今韓年丈修之來乙未北闈同年朱

呂爲丈之胞姪呂兄元佑又與丈同膺選萃得二兄書

知外舅偶患河魚故玉彭遲遲不歸是日悉順天鄉試

題

初八日晴荅朱今韓夜同內子小飲

重九日晴西北風余挈兩兒先歸已刻放權申正過長

虹橋二鼓至平望泊夜月皎甚

初十日晴丑正開行辰初過八測已正過吳江未初過

尹山橋未正過寶帶橋汎酉初入城到家

十月初四日內子同登女歸

十

己亥二月初二日已刻携眷放舟午刻出葑門殘雪初

融濕烟著樹未初過尹山申正過吳江戌正拒八測泊

初三日寅刻開行卯正過平望天意晴朗已正過長虹

橋未正過三清闡申正抵郡見外姑及玉彭內兄並晤

朱選三夜榻吉雲書舍

初四日晤汪德芝先生辛泉內兄人駿錢塘顧菊亭鑑

來係汪午楣妹婿午楣同來竟日雨聲琅然

初五日陰風答汪午楣顧菊亭拜青華內兄人洪俱晤

又至錢曉庭同年處病未見晚晴

初六日晴晚飯後至園中飼魚接順兄初三日書

初七日春分晴

初八日晴躁熱同內子午酌是日青華來拜

初九日晴顏桐門表叔

懋豫

自蘇來晤同至園中小步

並邀游烟雨樓是日兩接順兄書卽作覆函交桐叔携去今夕卽返棹也

初十日陰晚雨

十一日嫩晴與選三話園中玉蘭盛開小桃稚柳亦弄色霏香矣

十二日陰寒大風向晚雨聲瀟瀟

十三日嫩晴余挈兒女輩及兩姬先歸已刻登舟午初

十一

過三清閣未正過長虹橋狂飈大作舟逆不能行至西正距平望鎮僅五里許雷電忽至急雨打窗遂泊于糧艘之際風雨竟夕頗有戒心

十四日東北風如昨辰刻冒雨行至平望小泊買物申初過八測戌初抵吳江泊

十五日陰卯正解維已初過尹山橋已正過寶帶橋午正進城未初到家

上巳後三日內子歸家

孫男志萬百拜謹校

1 单价 · 80 1 号

41

